



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Theologia Moralis**

**Reiffenstuel, Anaklet**

**Monachii, 1699**

II. Quæ sit materia Baptismi, qualisque requiratur ablutio baptizandi?

**urn:nbn:de:hbz:466:1-40206**

## QUÆSTIO II.

Quæ sit materia Baptismi, qualisque requiratur ablutio baptizandi?

11. CONCL. I. Materia Baptismi duplex est, remota scilicet, & proxima. Ita omnes Doctores. Et quidem materia ejus remota, est aqua naturalis, seu elementaris; prout non solum in Concilio Florentino, ac Tridentino definitum fuit; sed etiam constat ex pluribus S. Scripturæ locis; ut ex illo Joan. 3. *Nisi quis renatus fuerit ex aqua, & Spiritu sancto, &c.* Item Actor. cap. 8. *Ecce aqua, quis prohibet me baptizari? & alibi.* Materia proxima Baptismi, est ipsa ablutio facta in aqua naturali.

Materia  
Baptismi  
remota, &  
proxima,  
quæ?

12. CONCL. II. Licet ad valorem Sacramenti Baptismi sufficiat quælibet aqua, quæ quoad substantiam est naturalis; ex præcepto tamen Ecclesiastico ea debet esse certo ritu benedicta. Ita certa, & communis. Cæterum ejusmodi solemnis Benedictio Fontis, seu Aquæ Baptismalis, peragitur Sabbato sancto ante Dominicam Resurrectionis, ac Vigiliâ Pentecostes; prout habetur in Missali Romano. Unde peccaret ille ( & quidem juxta Toletum, mortaliter ) qui extra casum necessitatis uteretur ad Baptismum aquâ non sic benedictâ, arg. Clement. un. de Baptismo.

Aqua Ba-  
ptismalis  
de præcepto  
Ecclesiæ  
debet esse  
benedicta.

13. CONCL. III. Ad valorem Sacramenti Baptismi requiriatur aliqua vera ablutio, nec sufficit simplex applicatio aquæ ad corpus absque ullo motu successivo, seu fluxu ipsius aquæ: sufficit autem quælibet aquæ quantitas. dummodo sit tanta, quæ possit successivè contingere corpus quoad aliquam partem sufficientem ipsius. Ita communis. Ratio est: quia materia proxima Baptismi non est nuda aqua, sed ablutio per aquam facta: atqui verè nemo dicitur ablui, nisi aqua successiva ab una parte corporis perveniat ad alteram: ergo.

Ad valorem  
Baptismi  
requiriatur  
vera ablu-  
tio.

14. Infertur proinde, quod ille non validè baptizaret, qui Corollariū, digito per aquam naturalem madefacto attingeret duntaxat corpus baptizandi, absque ullo tractu, vel motu ipsius: secùs foret, si per motum aquæ, vel digiti madefacti, ablueretur pars sufficiens corporis baptizandi. Hinc non immerito approbant Doctores casum illum, quo famina infantem moribundum bapti-

Yyyy 3 zavit

zavit madefacto aquā digito , ac ducendo Crucem per frontem infantis, simūlque legitimam formam pronuntiando : hic enim vera , & sufficiens interveniebat ablutio.

Aliud Co-  
rollarium,

15. Infertur ulterius , eum pariter non validē baptizatum , qui aspergit alterum aquā naturali in tam modica quantitate , quod omnes guttæ persistant immotæ , ac nullo modo per corpus fluant. Reverā enim in tali casu nulla intervenirebat ablutio hominis baptizandi : quia ad veram ablutionem omnino requiritur aliqua motio , seu fluxus aquæ abluentis ; ut patet ex significatione vocis , ac communī modo concipiendi hominum.

Ablutio Ba-  
ptismalis  
potest fieri  
imersione,  
affusione,  
vel asper-  
sione.

16. CONCL. IV. Ablutio baptismalis potest fieri vel imersione , si baptizandus immergatur in aquam ; vel affusione , ut si aqua fundatur super corpus baptizandi ; vel aspersione , ut si baptizandus aspergitur aquā , in quantitate tamen sufficienti , ut actu fluat per sufficientem partem corporis. Ita rursus Doctores communiter. Et quidem certum est , ablutionem quolibet horum modorum peractam sufficere ad valorem Baptismi , licet secunda , quæ sit per affusionem , hodie communiter observari soleat.

Antrina  
affusio ad-  
hibenda ?

17. Quamvis autem ad valorem Baptismi sufficiat unicā ablutio Baptismalis , neque necessariō requiratur trina affusio aquæ : nihilominus in praxi communiter trina affusio adhibenda est , juxta præscriptum veterum Canonum , c. Postquam . & seqq. de conser. dist. 4. ac Ritualium Dicecesanorum , quibus extra casum necessitatis deber Minister sese conformare.

In Baptis-  
mo , quæ  
pars corpo-  
ris sit ablu-  
enda ?

18. Notanter autem in hac , & præcedenti Conclusione dictum est , dummodo aqua fluat per sufficientem partem corporis baptizandi . Etsi enim non sit necesse ad valorem Baptismi , ut totum corpus abluatur , sed sufficiat , si abluatur quædam pars ipsius sufficiens ; variantramen Doctores in assignando , quænam pars sit sufficiens. Et quamvis non desint Authors , qui velint , absolute loquendo validum esse Baptismum ablutā quacunque etiam minimā corporis parte : id tamen communior opinio vel negat , vel saltē incertum putat. Hinc in praxi semper tertia pars ,

(a) Juxta quantum fieri poterit , est eligenda , ne Sacramentum homini dict. Tract. tantopere necessarium , sine causa exponatur periculo invaliditatis . Dist. 3. n. tatis , vel dubietatis. (a)

19. Infertur proinde , quod si Baptismus possit fieri in corollariū pite , in illo sit merito conferendus : quia caput est præcipual pars hoc.

hominis, in qua principales sensus videntur, & à qua maximè totus homo potest denominari: unde caput est certissima, & sufficientissima pars pro collatione Baptismi. Quod si hoc commodè fieri non possit, tunc in casu necessitatis, utputà propter periculum mortis, in quo versatur infans nondum perfectè natus, semper facienda est ablutio in alia parte principaliori, quantum fieri potest.

20. Siverò pars illa sit minùs principalis, ac proinde dubia Quid ageret? (qualis secundum Scotum in 4. dist. 4. quest. 3. non solum est diligens, sed etiam manus, vel pes, ac hujusmodi) tunc si infans dum si ab-  
luto facta evadat periculum, ac perfectè nascatur, iterum baptizandus est dubius? sub conditione; prout notatur e. *De quibus de Baptismo*, atque in Ritualibus Diocesanis Parochi plenius informantur. Insuper sciendum, quod si parvulus cum Baptismo dubio moriatur, is se-  
peliendus sit in terra benedicta: quia ad hanc jus acquisivit ob probabilitatem sui Baptismi.

21. CONCL. V. Dubium sanè, num puer, cum intentione Puer pro- ipsum baptizandi, projectus de ponte in fluvium vel fontem, ubi iectus in flu- submergendus est, sit validè baptizatus: quamvis non desint men cum Doctores, austerentes, talem Baptismum valere (inter quos sunt ipsum ba- Suarez, Vasquez, Layman, & plures alij Recentiores) at- tam rationabiliter, & magis probabiliter, negatur cum Do- ptizandi, an Store Subtili in 4. dist. 5. quest. 3. Ratio huius sententiae negativa est: quia in tali casu deest ablutio, requisita ad valorem Sacra- menti Baptismi. Etsi enim videatur hic intervenire immersio pueri in aquam, ea tamen non tam est immersio, quam submer- sio pueri in fontem, vel fluvium precipitati; cum ex natura sua tendat ad mortem parvulo inferendam. Unde nec is ablui di- cendus est, sed potius submergi: nam ablutio hominis debet fieri salvâ vitâ ipsius, saltem quantum est de se, atque ex natura ipsius ablutionis.

### Q U Æ S T I O III.

#### De Forma Sacramenti Baptismi.

22. CONCL. I. Vera, & legitima forma Sacramenti Baptis- Forma Ba- mi, est hæc: *Ego te baptizo in nomine Patris, & Filii, & Spi- pismi, quæ? ritus sancti.* Ita Fides Catholica. Et hæc forma, quæ in tota Ecclesia Latina semper fuit observata, atque etiam num ob-